

Corueisch Bier.

In Fürsten Stifft vnd Kloster
ligt hart daran / mit Namen Cor-
uei / darin dieser zeit ein Bucholtz /
mit Namē Reinardus / Abt / Fürst
vnd Herr ist / Ein trefflicher gelehrter
Man / in artibus / Philosophia / Histo-
ris / Jure / vnd Theologia / Der auch in
Theologia Licentiam hat / Ob er gleich sei-
ner geburt wol ein Nobilist vnd Edelman
ist / die doch nicht offrt gradus zunemen
pflegen / Wolte Gott das alle Expte / der
geschicklichkeit wehren / vnd nicht allein
Fürstliche Personen / Sondern auch viel
mehr / Fürstliche Tugende an sich hetten /
Wie dieser Herr von Coruei / des lob nicht
gnungsam kan ausgesprochen werden /
denn ich kenne ihn / vnd weiß mit warheit
zuberichten / wie es so ein trefflicher Man
ist / Den so man seine Lehr ansehen wil / ist
er auch ein Poet / vnd weiß gute Carmina
zu schreiben / vnd mangelt ihm nichts / an
allen stücken / die ein Hochgelarter Do-
ctor an ihm haben sol / So man aber dann
auch seine Person / vnd Regierung anscha-
wen wil / finden sich an ihm / alle Fürstliche
Tugende / die zu rechter Administration /
vnd dem Regiment gehören / Des mir al-
le die ihn kenne / gezeugnis geben wer-
den.

In diesem Fürstlichen Stifft / felt
auch